

## 2009-mut Kalaallit Nunaanni nukimmik atuineq

Ukiumoortumik Kalaallit Nunaanni angerlarsimaffiit suliffeqarfiillu nukimmik atuinerat pillugu 2005-miit 2009-mut takussutsissiaq kisitsisinik nutaanik immersugaq. Kisitsisitigut nukimmik atuineq malittarineqarsinnaassaaq taamatullu Kalaallit Nunaata Kyoto-mi isumaqatigiissut malillugu CO<sub>2</sub>-mik mingutisinerup annikillisinnissaa pillugu pisussaaffini piviusunngortinneraa missiliorneqarsinnaassalluni. 2009-mi nukimmik atuinikkut CO<sub>2</sub>-mik mingutitsineq 590.758 tonsinik annertussuseqarsimavoq. 1990-mut naleqqiullugu tamanna 6,2 pct.-mik annikinnerulluni aammalu ukioq 2008-mut naleqqiullugu 13,4 pct.-mik annikinnerulluni.

*Nukimmik atuineq  
annikilliarporpoq*

Nuna tamakkerlugu 2009-mi nukimmik atuineq 9.013 TJ-iusoq naatsorsorneqarpoq. 2008-mut naleqqiullugu tamanna 10,5 pct.-mik annikilliarneruvoq. Nukimmik atuinerup annikillinera arlalinnik peqqutseqarpoq. Peqqutaasunut ilaavoq 2009-mi ukiuunerata kissarnerusimanera, tamanna kiassarnermut ikummatissamik annikillitsimmat.


*Nukik ataavartog  
aammalu ikummatissat  
nunap iluaneersut  
annikitsumik*

Matuma saniatigut erngup nukinga atorlugu nukissiusiorneq Utoqqarmiut Kangerluarsunnguanni Qorlortorsuarmilu annertusineqarpoq, tamassuma kinguneraa erngup nukinganik atuilernerup aallartinneranit aatsaat taamak gasuuliamik atuineq allamut saatinneqartigaluni. 2009-mi nukimmik ataavartumik atuineq 22,3 pct.-mik annertuseriarpoq. Ilutigisaanillu 2008-mi ikummatissanik nunap iluaneersunik atuineq 13,4 pct.-mik annikilliarluni.

*CO<sub>2</sub>-mik aniatitsineq  
annikillivoq*

Nukik ataavartog CO<sub>2</sub>-mik mingutsitsinngitsoq akerlianik uuliamik atuineq CO<sub>2</sub>-mik mingutsitsivoq. 2009-mi pitsaasumik ineriartornerup kinguneraa CO<sub>2</sub>-mik mingutserineq 590.758 tonsinik appararmat. 1990-mi kisitsisinut naleqqiullugu tamanna 6,2 pct.-mik annikilliarneruvoq, 2008-milu kisitsisinut naleqqiullugu 13,4 pct.-mik annikinneriarnerulluni. Titartakkap I-p takutippaa 1990-miit 2009-mut nukimmik atuinerup kinguneranik CO<sub>2</sub>-mik aniatitsinerup nikerarnera.

### Nukimmik atuinerup CO<sub>2</sub>-mik aniatitsinera



CO<sub>2</sub>-mik mingutsitsineq ataatsimut isigigaanni, tamassuma (23 pct.-ia) –tassalu si-samararterutaa angerlarsimaffinni nukimmik atuinnermit pisarpoq, tamatumani kias-sarneq annertunerusumik gasuuliamik atuiffiusarmat. Inuutissarsiorfiit 30 pct.-mik atuipput allatigullu (nukissiorfeqarnertigut) nukissiornerup 20 pct. atorpa. 2009-mi angallassineq 16 pct.-imik CO<sub>2</sub>-mik aniatitsivoq, niuverneq kiffartuussinerlu ataatsi-mut 11 pct.-mik CO<sub>2</sub>-mik aniatitsilluni.

*... pdf-filitut* ”2009-mut Kalaallit Nunaanni nukimmik atuneq” saqqummersitami Naatsor-sueqqissaartarfiup nittartagaani qallunaatut [www.stat.gl-mi](http://www.stat.gl-mi) pdf-filinngorlugu aane-qarsinnaavoq, Naatsorsueqqissaartarfimmulluunniit piniarneqarsinnaalluni.

*E-mailikkut  
nutaarsiassanik  
pisartagaqalerit* Kisitsisitigut paasissutissat nutaat Naatsorsueqqissaartarfiup nittartagaatigut tama-nut saqqummiunneqartartut siunissami pisartagarisalerusukkukkit elektroniskimik nutaarsiassaqarfitsinnut ilanngussinnaavutit: [www.stat.gl-mut](http://www.stat.gl-mut) iseruit, toqqagassani ”Kiffartuussinerit” iserfigigukku qanoq ilillutit pisartagaqalerniarlutit nalunaarsin-naanerlutit nassuiaanneqassaatit. Taamaalillutit siunissami kisitsisitigut paasissutis-sanik saqqummersitsinivut tamaasa e-mailisalersinnaavutit..

Paasisaqarusunneruguit naatsorsueqqissaarnermi siunnersortaaneq Lene Baunbæk e-mailikkut [leba@stat.gl](mailto:leba@stat.gl) allaffigisinnaavat.

Inussiarnersumik inuulluaqqusillunga

Lene Baunbæk  
Naatsorsueqqissaarnermi siunnersortaaneq